

陳奕迅 (Eason) Fear and Dreams 演唱會今晚開鑼，其新歌《人啊人》MV 就於昨晚上架，MV 由金像獎新晉導演陳健朗執導，用一個人瀕死的第三觀視覺，告訴大家什麼是「人」，「人」又應何去何從？人生如夢幻泡影、如露亦如電，帶出反正你我一樣終有一日會灰飛煙滅，又何必再有執念。

半夜淋黑漿 變「鱷魚眼」覺得凍

吊威地拍MV

陳奕迅腦充血見暈

今次新歌由林家謙作曲，周耀輝填詞，而MV就用了超多CG及試驗性的特技，並花了近20小時拍攝，由早上9點拍到凌晨近3點才收工，單是吊威地便吊了3個鐘，Eason坦言有點腦充血見暈，更笑言：「其實我唔知拍緊咩，不過我信導演！佢個腦好闊同好多唔同諗法，好創新，所以我交晒畀佢，佢叫我做咩就做咩。」Eason又說：「吊威地其實都辛苦，因為我始終有受過訓練，核心肌群Core Muscle唔夠力，好多動作都係靠核心肌群發力，所以我成日喺半空中就自動後空翻，hold唔到好耐。好彩今次班武指係以前拍戲、演唱會合作過晒，佢哋好好，不停教我應該點做，最終都拍到導演收貨嘅鏡頭。」除了吊威地，Eason整個人又被淋黑漿，「淋落嚟嘅係似芝麻糊混合類似小朋友玩個種口水膠質感東西，導演話食得嘅。因為一淋

就有晒妝頭，所以呢部分放到半夜先拍，一共淋了4、5次，淨係覺得凍，自己又好似變了條鱷魚，因為黑漿流了入眼睛，好似有層霧，似鱷魚眼睛灰灰咁，但都幾好玩，效果都震撼。」

臨近開騷減少外出

Eason為了個唱已排練了一段日子，臨近開騷更減少外出以免生病，「見到大家咁支持，啲飛賣得咁好，都有壓力嘍，演唱會始終係一件好大概事，有時我都會驚一驚，驚自己唔知做得好唔好。但每當呢啲時刻，個天就會派人嚟鼓勵我，例如身邊朋友，或者係街上面，都有好多鼓勵，行過撞到就會有人同我打招呼，然後話『你啲飛好難買呀！加油呀！』真係好溫暖。多謝大家，咁多人錫我，我會加油做好每一場。」

■ 陳奕迅吊威地吊足3粒鐘嗌辛苦。

■ 魏浚笙最想感受白色聖誕。

陳奕迅坦言唔知自己拍緊咩，但他相信導演。

邊睇世界盃邊錄歌

蕭正楠工仔到盡



■ 左起蕭正楠、區永權和伍仲衡只花兩小時已錄好首歌。

音樂人伍仲衡將於明年1月6日聯同蕭正楠(阿蕭)和區永權假灣仔伊利沙伯體育館舉行《HEA TOGETHER LIVE 2023》音樂會，伍仲衡更為是次音樂會創作一首3人合唱歌《HEA到爆》，包辦作曲及填詞，他說：「這首歌最辛苦就係填詞，音樂我OK的，但詞我真係諗到頭都爆。」他又指HEA並不是負面，首歌是叫人不要顧着工作，要享受生活；享受生活就一世無憂。3子身體力行錄歌也是HEA住錄，一路睇世界盃，一路輪流入Studio，只用了兩個鐘頭就錄好，伍仲衡更爆料：「我試過(有歌手)錄40幾個鐘呀，不過我就唔講邊個。」伍仲衡又為阿蕭創作獨唱歌《小小大人物》，阿蕭並將新歌獻給亡父。

談及音樂會的售票情況，伍仲衡直言：「一個字，已經爆咗啦！你老婆(阿蕭太太黃翠如)買晒！」阿蕭笑指老婆是必殺技，「佢真係搵咗好多人買。」區永權也讚翠如好嘢，「今次我們不用出聲，我們身邊的人用了他們的人際網絡，包括蕭正楠老婆，叫朋友出來吃飯，問：買飛未？買飛未？無買飛就似酷刑一樣。但其實是窩心的。」

魏浚笙拒為慳錢「拍膊頭」

魏浚笙(Jeffrey)昨出席時尚品牌限定店舉行的聖誕活動，坦言聖誕是他最喜歡的節日，而從未試過在外地歡度聖誕的他很想到不同國家感受氣氛，特別是體驗白色聖誕，惜今個月要忙於籌備新歌無法成事。

新歌是Jeffrey的第一首歌曲，雖然尚未錄音，但已碌盡人情卡找曲詞編監等音樂人幫忙，並正找尋適合的MV女主角。說到可請朋友「拍膊頭」幫忙以節省預算，他即否決，認為請人工作好應付酬金，以尊重別人的專業；續指可找其經理人女友當MV女主角，他也否決，稱經理人的工作已很忙，且女友不會幕前出鏡。



章子怡聲演《阿凡達2》新角色

奧斯卡金像導演占士馬倫執導的年度壓軸大作《阿凡達：水之道》將於下周全球公映，而內地配音版陣容昨日官宣，包括有鄧超、孫儷、章子怡和黃軒。據悉，鄧超為男主角Jake Sully 配音；孫儷為女主角Neytiri 配音。至於章子怡與黃軒則聲演新角色鳥礁族女性首領及男性首領。



陳柏宇父女檔首拍廣告

歌手陳柏宇(Jason)與太太符曉薇即將迎來第二胎，而早前他就與囡囡Abigail首次父女檔拍按揭產品廣告，Abi面對鏡頭表情多多，完全沒怯場，Jason表示：「自從知道第二胎的好消息後，為了給家人更好的居住環境，其實已有首次置業的打算，但買樓是人生大事，作為買樓初哥，一定要做足功課。」

